

Polhā Egei Sasafei
 Sa Tesalonaika O Kediaṁokōu
 Nalāma Nei

Tawale Tā

Sa Tesalonaikabe sa hiye, sa Masedonia duo kile dala.

Polhā sa Korinkōu dalali, kuguo kōu sa Tesalonaika tie kediaṁokōu kuhe nalāma nei. Kuguo ke nalali mei kelege, e sa kokōu ile folomōu dalali, Yesuhā degei kahā tā ke kōu hehegie tobou. Dabai 17:1-9 kokōu ne tā ke nalai dala.

Polhā kuguo kōu nalai kahā yobe kōu gue, Juda o kedia sa Tesalonaika tie o ilo kele makolo idi kahā degeimōu, e damaleyodele i o sasai kedia dedei sasagemōu, kuguo kōu kuhe nalai. Yesuhā boholōu mā haguale tā kebōu de hehegie tobolōu mōu nalai.

Tewe o ilo kedia tawale ibe, Polhā kuguo kōu nalai be kuguo ilo kele nalale kōu dalamōu, kuguo kōume ebukōu do nalai yode tawale i.

Kuguo 1 Tesalonaika kōumaha tā sibige tanōu tanōu olōu feibe kuhe:

Tā Hiye 1-3

Polbōu, ebōu de dabai degele idi o kedia bōu dia sa Tesalonaika tie o sasai kediaṁokōu solōu do degele i.

Tā Hiye 4-5

Sa Tesalonaika tie o sasai kediamē Godihā yōunōu
dogōu guo dalaba, midihō bolofei kenōu milōu
gamabadomōu.

Polbōu, ebōu de dabai degele idi o
kediabōu dia sa Tesalonaika tie o sasai
kediāmokōu solōu do degele i

(Tā Hiye 1-3)

¹ Pol abōu, o Sailabōu, o Timotibōu ei sa Tesalonaika
tie o sasai damaleyodele i nimokōu kuguo kōu nalama neli
kuhe. Nime Aye Godibōu, Hiye O Yesu Kelesubōu de dogōu
guo dalagua.

Godihā nimokōu habagugueiba, nime bologuado
dalamabadomōu.

*Polhā sa Tesalonaika tie kediā Yesukōu damaleyodele i kaha
degeimōu hohō degei*

² Ei nimokōu fimamōu, Godikōu bolofeyode tobolōu
idi. Ei nī hū solōumōu, Godikōu diho bagā tobolōu idi.

³ Nime Yesu Kelesukōu damaleyodema, e dabai degele idi.
Tabe, nime Yesu Kelesukōu hohō hiyedo dege, e dabai
hiyedo degele idi. Tabe, nime nelēdo dege dalaguadi o
sasai, di Hiye O Yesu Kelesuhā bohōlōu mā haguale kene
nī dia dalaguadi. Eige nī kegele idi olōu feibe tawale i
kaha degemōu, ei di Aye Godikōu bolofeyode tobolōu idi.

⁴ Mogo diāma, Godihage nime tagai hiyedo dala. Eige
nime Godihā yōu e biyodema makaidade tawale i.

⁵ Tā uwo bolofei, ei nimokōu tobolōu i keme taenōu
tobolōu ili mei. Duo Bolofeiha degeiye, ei tā uwo bolofei

ke neledo dege tobolou i. Ei fimai bolou dege tobolou ili mei. Ni dowoye, ei nibou de dogou guo dalamou, ei milou gadi keme ni duguo tawale i.

⁶ Ni Godiha ta dulomou tolou igolugi, hagi hiyedo dugulo i. Kenou si nime eibou Hiye Obou ei degei sagai kenou seseimou, Duo Bolofeiha nimokou dedei sasagieimou, ni hoho degele i. ⁷ Ni midihoge kege milou ga idi keme, damaleyodele i o sasai, sa bolou Masedoniabou Akaiabou duo kile tie kediamokou midihoge boloke hehegie idi. ⁸ Hiye Oha ta, ni hehegie tobolou i keme bala wodi uwo sagai kege, sa Masedoniabou Akaiabou duo kilegenou dulo ili mei. Sa sa olou fei kediane ni Godikou damaleyodele i kaha ta ke olou fei kou dulo tefei kaha degeimou, ei sa sa suluguadibe, ta keme eige ta tobou mou suluguadiyo mei. ⁹ Ei sa ta iga fologoumou be, sa ke tie o kediage eimokou kou gue susulo tobolou idi, Polbou dia sa Tesalonaika tie kediamokou fologa, egei hehegie tobou mou be, sa Tesalonaika tie kediage ta ke dulomou, ogou gai godi tobekou muguo, damaledo Godi, you kegenou daladi kokou damaleyodema, e dabai kenou degelamou degele idiyode tobolou idi. ¹⁰ Haba sa sa o kedia kou gue susulo tobolou idi, Godiha Dihi e tolo imou haguagimou, hebenitou felei. Folo dalali, habage boholou ma haguale keme sa Tesalonaika tie o kedia dia dalagua ke eimokou susulo idi. Damaledo, Godiha Dihi eme Yesu. Godiha gofou, habage tama degele kaha di makeiye domou, e di boholou mou dala.

2

Polḡa sa Tesalonaikakōu ge dabai degei ke tobou

¹ Mogo diāma, niḡe tewe, ei ile folo, niḡbōu de dalaguali, dabai degei keme mōu ta fogōu li mei, sibige tama degei dala.* ² Ei ni sabekōu ile feli mei kelegebe, ei sa Filipaikōu dalamōu, sa ke tie o kedia ei susuga tobolōu i, hagi hiyedo eimokōu nele i kene ni kōu tewe. Kenōu si Godihā ei dedei sasagieimōu, ei ni sa Tesalonaikakōu iga fologomōu, ni o ilo kelegene akogulamōu degele iye, ei ta kesigie gue degele ili mei, Godihā tā uwo bolofei ke nimokōu tobolōu i. ³ Ei nimokōu egei hehegie tobolōu idibe gulai dege ta tobolōu idiyo mei. Ei tā keme gulokou tā mei. Ei nimokōu ogōu ga tobolōu idiyo mei. ⁴ Godi yōunou ei fimai file duguomōu, e tā uwo bolofei ke tobōu mabeedema ei kuhe makai kaha degeimōu, eige dōudonōu hehegie tobolōu idi. Eige o sasaiye eimokōu hohō degele ke tagale idiyo mei, eige Godihā hohō degele ke tagale idi. ⁵ Ni kōu tewe, ei ni hohō degemabadomōu ogōu ga tobolōu idiyo mei. Haba ni bimai kene ei tagale idiyo mei. Godihā tewe, eige nimokōu midihō bolōnōu milolōu idi. ⁶ Eige ni ei hu ke hebele fogumabadomōu degele ili mei. Haba o ilo kelege ei hu hebele foguyadomōu degele ili mei. ⁷ Damaledo, eibe Kelesuha tā-bolofei-mala-suluguadi-o dalaye, kenōu si ei iga fologamōu be, eige nimokōu bi ta nemabeedema hawa tobolōu idiyo mei. Dihigidiou taha e dihi bu nedī sagai, ei nimokōu ne nebe ke sagainōu degele idi. ⁸ Ei nimokōu solōu do hiyedo degei kaha degemōu, Godihā tā

* 2:1 2:1 Dabai 17:1-9

uwo bolofei ke n̄imokoū toboloū i. Haba tabe, ei n̄i dogoū gula deba, ho oe ei wouba tofigile kene taboū mei, yobe n̄ime ei mogodo degei kaha degeimoū.

⁹ Mogo diama, n̄i tewe, ei n̄iboū de dalali, dabai hiyedo degemoū, ta uwo bolofei ke n̄imokoū toboloū idi. Eige n̄i eimokoū naleboū bi ilo keleboū de nemabeedema yodulo dafamoū be, ei huliameboū agaliboū Godiha dabai boū sele dabai boū de hiyedo degele idi.

¹⁰ N̄i koū tewe, ei Kelesukoū damaleyodele i o sasai n̄iboū de dalali, Godiha tagali midihoya kenoū ei e dihile kokoū doūdonoū suluguei. Godi yoū tewe ei midihoū kasagai ta miloū ga ili mei. ¹¹ N̄i koū tewe, ei n̄i doususulo idibe o taha yoū e sisigo doususudi sagai kenoū tefele doususulo idi. ¹² Ei n̄i doususumoū ibe, n̄ime bologuado dalaguamabadomoū dedei sasagile idi. N̄ime Godiha yoū e bi kaha degeimoū, eige n̄ime midihoū bolodo kenoū miloū gamabadomoū kuhe egele toboloū idi. Godi yoū n̄i haguissamoū, e sa, yoū woloū dala kokoū haguamabeedili. Sa keme hebeni sa, Godiha hohoboū de dala.

O sasai, Kelesukoū damaleyodema hagi duguo neledo dege deleigui

¹³ Ei Godiha ta n̄imokoū hehegie toboū moū be, n̄ige ta keme sa sibige o kedia tadade tawale ili mei. N̄ige Godiha tabe damaledodade tawalemoū toloū i kaha degeimoū, ei Godikoū bolofeyode toboloū idi. Godiha ta kahage damaleyodele i o sasai n̄i duledu dabai degedi. ¹⁴ Mogo diama, sa Judiakoū damaleyodele i o sasai kedia, die midihoū keme n̄ine sesele igolugi, ifine kegenoū dala kehe.

O sasai kediame Yesu Kelesuha dogou guo dalamou, Juda o, diou die mosoma kediage diamokou hagi hiyedo nedi sagai kenou tefei, nine niou ni mosoma kediage nimokou hagi hiyedo nele idi. ¹⁵ Juda o kediage habage-degele-duguo-tobolou-idi-o kediame woumou tofigile i. Haba Hiye O Yesune wala imou tolo i. Eine gagale mugulo i. Godihage o kediame hoho degediyo mei. Diage o olou feido ho degele idi. ¹⁶ Yobe, Godiha sa ta o sasai mamouye domou, diage ei Yesu Kelesuha ta hehegiedi ke akogulo idi. Kegele idi kaha degemou, die midihog kasagai olou fei keme hiye dege haguabe demou, Godiha gofou tama degele keme hafei degeli.

Polha sa Tesalonaika o sasai kediame haba dugu ile sagaido degei

¹⁷ Mogo diama, wefeido, Juda o kedia ei hele mugumou, fogou haguasiemou, ahudo dege tiasigeliye, kenou si ei fiibe nibou de dala. Kegei degemou, ei haba ni dugu ile sagai degeimou hiyedo a ka ili. ¹⁸ Eige nimokou igalamou degele idi. Pol a ilamou hiyedo degediye, kenou si Tamaha ei akoguo dala. ¹⁹ Ni degeiyege, di Hiye O Yesuha bohoulou ma haguale kelege, ei e dihile kokou ge hohoboulou ile. Yobe, nige egei, ei nimokou hehegiei ke tolou mou, Yesukou damaleyodele i kaha degeimou, ei e bohoulou ma haguale ke hoho dege dia dalali, hebe bolodo e nele ke mala ile. ²⁰ Damaledo, ei nimokou hohoboulou idi. Ni damaleyodele i kaha degeimou, Godiha eimokou hohobou di.

3

Polhā o Timoti sa Tesalonaika o sasai kediamokou dedei sasagieyadomou tobou mou i

¹ Ei nimokou solou do hiyedo degemou, nimokou igale ke dia dalale dafamou, ei tobolou gi, abou Sailasbou elebe sa Atenskou dalaba, ² ele mogo Timotihanou iyede tobolou i. Timoti eme Godiha dabai degedi o, elebou de Kelesuha degei kaha ta uwo bolofei ke tobolou idi. Kelegenou be, ele Timoti ni dedei sasagieiba, ni damaleyodei ke neledo dege dalamabadomou iyedele i. ³ Kegeligi, ni ilo kele hagi hiyedo ke duguoba, fi hiyedo ma iye. Niou tewe, Godihage damaleyodele i o sasai dibe hagi kegei ke dugulo ileyodei. ⁴ Ei nibou de delei kelegene, eige dibe hagi gehe gehe dugulo ileyode tobou sagai keme, ni tewe, damaledo, di hagi hiyedo kou tama degeimou dugulo i. ⁵ Kegei kaha degemou, age nimokou igale a ke kaba dia dalale dafamou, a Timotinou tobou mou i, ni damaleyodei ke tawalamou. Tefeledugudi o kaha* ni damaleyodei ke tefeleduguba, ni olou fei fiyasigeiba, ei dabai hiyedo degele idi keme sibige mei degeiye domou.

Timotihā Tesalonaika kedīa bologuādo degeli tā ke malā hagumou, Polhā hohō degei

⁶ Kegemou, Timotihā nimokou ile dala dema, haba boholou ma hagua felei. Felemou, eimokou toboube, sa Tesalonaika tie nime damaleyodemā, neledo dege dalali, niou sie yogokou solou do degeimou solou do degeimou dedi ke susulo tobou. Haba tabe, ei ni dugulo sagai degeli

* 3:5 3:5 Tefeledugudi o kaha - e huibe Tama sa degei.

1 Tesalonaika 3:7 8 1 Tesalonaika 3:13

kenou tefei, nine eimokou fima hoho degemou, ei dugulo sagai hiyedo degele iliyode tobou mou dulo i. ⁷ Mogo diama, eibe hagi hiyedo duguo deleiye, Timotiha hagua eimokou nime damaleyodema neledo dege dalayode tobou mou dulomou, eibe dedei degei. ⁸ Nime Hiye Okou damaleyodema, neledo dege dalagua kaha degeimou, eine bologuado dalagua kuhe. ⁹ Ei nimokou fimamou, Godiha dihile kokou hoho hiyedo degele ili kaha degemou, eige di Godikou bolofeyode tobolou ili. Kenou si ei Godikou bolofeyode tobolou kahage Godiha hoho degedi eimokou nei keme tefele sagai mei. ¹⁰ Godiha dogou guba, ei haba iga, ni duguloyodema, huliamebou agalibou de, hiyedo diho baga tobolou idi. Kegeiba, ni damaleyodei keme nele mei degei debabe, ei degeiye haba neledo degele.

*Polha sa Tesalonaika o sasai kediamokou ileyodema,
Godikou diho baga tobou*

¹¹ Di Aye Godibou, di Hiye O Yesubou dilie ei nimokou igale a ke milou yadomou kuhe diho baga tobolou ili. ¹² A tagalibe, ei nimokou solou do hiyedo degei sagai kenou tefele, Hiye Oha degeiye, nine solou do degedi midihou ke hiye degeiba, niou sie yogokou solou do degeiba solou do degeiba dema, o sasai ilo kediamokou ne solou do degele ke tagali. ¹³ Kege degeiba, Godiha degeiye, ni neledo dege dalaguali, di Hiye O Yesuha emokou damaleyodei o sasai kedibou de hagubabe, nime hebe kasagai ta molou mei, di Aye Godiha dihile kokou doudo o sasainou dalaguale. Damaledo.

Sa Tesalonaika tie o sasai kediamē Godiha
 younōu dogōu guo dalaba, midihō bolofei
 kenōu milōu gamabadomōu
 (Ta Hiye 4-5)

4

Di sasai hiyoubōu o hiyoubōu degedi midihō keme milōu dame

¹ Mogo diama, a mā tā mei degelamōu uwage tobolōu kuhe. Ei nīmokōu egele tobolōu idibe, nī midihō Godiha tagali kenōu milōu gale ke hehegie tobolōu idi. Damaledo, tā ei tobōu mōu nī dulo sesele ili kehe. Kenōu si, ifi ei Hiye Oha huya ke tā neledo dege haba nīmokōu tobolōu be, nī midihō bolofeido kenōu milōu gamōu imabeedili.

² Ei nīmokōu Hiye O Yesuha huya ke egele tobolōu i olōu feido keme niōu kōu tewe. ³ Godihage nī niōu sie emokōu seseguba, e degeiye nime e o sasai bolodo dalamabadomōu tagali. Kegei kaha degemōu, sasai hiyoubōu o hiyoubōu degedama. ⁴ Tōu e tagadi midihō kasagai milōu dama. Fiye tagadi midihō kasagai kene milōu dama. Midihō bolodo, Godiha tagali sagai kenōu milōu gamōu ima. ⁵ Godi tewe mei o sasai kedia diou die tōu e tagadi midihō ke degele idi sagai kege degedama. ⁶ Damaleyodele i o sasai nī niōu sie yogokōu tōu e tagadi midihō kasagai ke milōu gaba ogōu gadama. O tae kegeibabe, midihō kasagai kaha hebe molōu keme ei nīmokōu defeido kōu egele tobou. ⁷ Godihage dibe midihō kasagai ke milōu mabadomōu haguīsali mei. Ege dibe yōu e midihō bolodo

kenou milou mabodomou kuhe hagnosisai. ⁸ Kegei kaha degemou, o sasai koyoha ta ke du ho fogou babe, eme o kedia tobekou muguyo mei, Godi nimokou Duo Bolofei nei o ke tobekou mugulu.

Di defeido midihō bolofei kenou milou ga ime

⁹ Damaleyodele i o sasai di diyou sie yogo tagadi midihō keme eige nimokou ta nalama sagile sagai mei, yobe Godiha nimokou hegimou niou kou tewe degei kaha degeimou. ¹⁰ Ei tewe, nige damaleyodele i o sasai olou fei, sa Masedonia duo kile dalagua kedia mokou ne solou do degele idi. Mogo diama, ei nimokou haba dedei sasagie tobolou be, nige midihō keme hiyedo dege degemou ima. ¹¹ Ei nimokou kou tobou mou dulo i sagai kenou tefeale amafeinou dalali, niou ni dabai kenou degemou ima. Niou ni do bogouye defeido dabai degeleba, niou sie dia dalama. ¹² Kege degeibasi, nige omokou bi hawagale mei. Damaleyodele ili mei o sasai kedia ne ni dabai kege degeiba dugubabe, diage ni midihō ke hohō degele ile.

Hiye Ohā boholou mā hagua di gelegulo

¹³ Mogo diama, eige nime defeido midihō tofigile i o sasai kedia mokou tama degele keme tawale ile ke tagali. Kegelige, damaleyodele ili mei o sasaiye die mogo dia sihou gosolo idi sagai, nime kenou tefeiale domou ei kuhe tobolou ili. O kedia me Godiha kou tofigile i ke haba haguagile keme ta tawale dia dalagua mei. ¹⁴ Yesuha tolmou haguai keme dige kou damaleyodele i. Kegei kaha degemou, Yesuha degeiye, Godihage Yesukou damaleyodele i o sasai, tofigile i kedia me olou fei haguagieiba,

Yesuha bohólou ma haguale kelege diane Yesubou de haguasile.

¹⁵ Damaledo ta, Hiye Oha toboube ei nimokou tobolou ili kuhe. Hiye Oha bohólou ma haguale kelegebe, tofigile ili mei, sa sibige kuokou sosou dalagua, dibe hebenikou be dibukou fologale mei. ¹⁶ Yobe, Godiha hiligedo tobou ba, esol o hiye kaha haguisa tobou ba, haba Godiha kibi ke haguissouba, Hiye O younou hebeni tou fogou migiba, ise, youmakou damaleyodema tofigile i kediamé diabukou hagua ile. ¹⁷ Tofigile ili mei, sa sibige kuokou sosou dalagua, dibe habage mabi timiya ke fologaba, tofigile i o sasai kedibou de Hiye Obe agudiletou kuhe gelegulo ile. Kegeiba, dibe Hiye Obou de tofousogo tofousogo kegenou dalaguale. ¹⁸ Kegei kaha degemou, ta a nalai koumahage ni niou sie tobolou ba, yogokou dedei sagiba dedei sagiba degama.

5

Dige Hiye Oha haguale keme ama dalaguame

¹ Mogo diama, Hiye Oha haguale sawisiei keme eige nimokou nalama nele mei. ² Yobe, niou kou tewe, Hiye Oha haguale sawisiei keme hiyou mou di oe huliame haguadi sagai kenou tefeleguale. ³ O sasai sa sibige kuokou ge bologuado dalayode tawale ili kelegenou, hagi hiyedo ke tama degeiba dugulo ile. Sasaiye dihi mala felamou do dugudi sagai kenou tefeleguale. O taha ta kama folo meido. ⁴ Mogo diama, ninou si hulia kokou ta dalagua mei. Kegei kaha degemou, Hiye Oha haguale sawisiei kelegebe, hiyou mou di oe hagumou, moso obou

kaha kesigidi sagai kege, ni ta kesigile ile mei. ⁵ Ni olou feibe hohoyabou agalibou nou suluguadi o sasai. Damaleyodele i o sasai dibe hulia timiya ta suluguadiyo mei. ⁶ Dibe o ilo kedia dege kege tiadame. Di diho kusiaba ama dalame. Tou e tagadi midihō keme degedame. ⁷ O tiadi kediamē, huliame tiasigedi. O tigi kolo huei gofoudo nama fi totou degele idi kediamē huliame huei gofoudo nala idi. ⁸ Kenou si agali suluguadi o dibe tou e tagadi midihō keme degedame. Di Hiye Okou damaleyodema, solou do degedi midihō keme kuwoye solou moso gogudi sagai kege goguoba suluguame. Di Godiha di mamolou ke dia daladi midihō keme heti gofoudo ke sagai dege, di widiletou muguoba kuhe suluguame.* ⁹ Godihage dibe e gofou hiyedo ke dugumabeedema makali mei. Di Hiye O Yesu Kelesuha degeiye, e di mamolouyodema makai. ¹⁰ Di dowoye, Yesu e tolo i kaha degeimou, di tei debane, teli mei debane, dibe ebou de dogou guo dalaguale. ¹¹ Kegei kaha degemou, niou ifi degele ili sagai kegenou niou sie ta bolofei kenou tobolou ba, yogokou dedei sagiba sagiba dema.

Godihage Kelesukou damaleyodele i o kediamē midihō bolofei kenou milou gamabeedema dogou gulo

¹² Mogo diama, ta ei tobou ladi koume ni duma. Ni widio o kedia ta defeido dulo sesema. O kediamē Hiye Okou damaleyodema, ni widio o degemou, ni dogou gulamou, nimokou egele tobolou mou, dabai hiyedo degele idi. ¹³ Kegei kaha degemou, nige diamokou solou do

* 5:8 5:8 Efesus 6:10-20

degeba, die ta ke defeido dulo sesema. Haba tabe, ni niou sie yogokou mogo degeiba mogo degeiba dema.

¹⁴ Mogo diama, ta ta, ei nimokou tobou ladi kounede feido duma. Dabai degele dafa idi o kediamokou egele tobou ma. Gue degedi o kediamokou ne dedei sasagiema. Nele mei degei o sasaine dogou guma. Omokou amafei himi degenou tobou ma. Gofou dege tobou dama.

¹⁵ O ilo kedia nimokou midihog kasagai milou ga ibabe, nine kegeligi diamokou boholou midihog kasagai milou ga iye. Ni niou sie yogokou midihog bolodo hegiba hegiba dema. O ilo kediamokou ne midihog bolonou hehegiema.

¹⁶ Sawisiei olou feido hohog degema. ¹⁷ Godikou dihog baga tobolou nou ima. ¹⁸ Midihog kagei kagei ta dugubane, Godikou bolofeyodenou tobou mou ima. Godihage nime kege degele ke tagali. Yobe, nime Yesu Kelesubou de dogou guo dalagua kaha degeimou.

¹⁹ Duo Bolofeiha ni dogou guo dabai degelaba degeibabe hobou akogudama. ²⁰ O taha habage degele duguo tobou laba degeibabe, ni hobou dafaba gofou degedama. ²¹ Kenou si o tae ta tobolou yodeibabe, ta ke defeido file duguoba, ta bolofeido kenou tou ma. ²² Midihog kasagai keme olou feido tou fogou ma.

²³ Godi eme bologuado daladi kaha e obou do. A tagalibe, e ni dogou guo dalaba suluguale ke tagali. Nime e o sasai bolodo dalaba, e ni duobou, ni fibou, ni tou bou olou fei ke dia dalale. Kegelige, di Hiye O Yesu Kelesuha haguale kelege, nime sibigibou dalali, hebe kasagai ke moye domou. ²⁴ Ni hagnosisai o Godihage you degeleyodei

keme doudo dege milou di. E degeiye, you tobou sagai keme nimokou tama degele.

²⁵ Mogo diama, nige Godiha eine dogou guyedema diho baga tobou ma.

²⁶ Godikou damaleyodei midihō kahanou ni mogo di-amokou bolofeyodema nogou gama.

²⁷ A Hiye Oha huya ke nimokou tobolou kuhe, nige kuguo koume damaleyodele i o sasai olou fei kedi-amokou husolouba hehegiema.

²⁸ Di Hiye O Yesu Kelesuha habagugueibe nibou de dalale.

Godihā Tā Bolofei

Konai: Godihā Tā Bolofei New Testament

Nupela Testamen long tokples Konai long Niugini

copyright © 2014 Wycliffe Bible Translators, Inc.

Language: (Konai)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 14 Jun 2022 from source files dated 28 May 2022

8c47cab8-fc6e-524e-936f-c52eba70db94